

Ինֆանտեր

հեղինակ՝ Անդրեյ Բիտով
թարգմանիչ՝ Անահիտ Խաչատրյան
աղբյուր՝ «Ապրելու մտադրություն»

Ռեգո Գաբրիաձեին

Թե երբևիցե էր Ինֆանտեն աշխատանքի անցել այդ գիտահետազոտական ինստիտուտում, ոչ ոք չգիտեր, թեկուզ այն պատճառով, որ այդ կարգի տեղեկություններ տրամադրելը հենց նրա մենաշնորհն էր: Թվում էր, թե նա միշտ այստեղ է աշխատել: Մի տեսակ տարօրինակ էր, սակայն նրան ընհանրապես ոչ ոք չէր նկատում ու չէր հիշում բոլոր այս երկարուձիգ տարիներին: Ասում էին, թե նա գիտի՛ իր գործը:

Ինֆանտեին նկատեցին մեկեն, երբ նա բաժնի վարիչ դարձավ:

Նենց այդ ժամանակ էլ սկսեցին կարծիք կազմել Ինֆանտեի՝ կնոջ հետ ունեցած հարաբերությունների մասին: Չէ՞ որ կինը ծառայում էր նույն ԳՀ-ում, ճիշտ է, վաղուց՝ պատերազմից անմիջապես հետո եւ ոչ երկար: Բայց հին սերունդը շեշտակիորեն թռչակի էր անցնում եւ արդեն վատ էլ հիշում էր: Հիշում էին, որ Ինֆանտեից ջահել էր, բարալիկ, լավիկն էր, սեւուկ եւ էլի մի մանրուք՝ որ կտր ականջօղեր էր կրում՝ գնչուհու պես: Հիշում էին, որ նա ուրախ էր, աշխույժ, թեեւ կարծես մի առանձին բան չուներ, որի համար նրան կարելի լիներ պարսավել: Որեւէ ավելի էական բան թերեւս չկար էլ. չէին նկատել: Մանավանդ որ այն ժամանակից ի վեր նրան ոչ ոք չէր տեսել, ու թե ինչպիսին էր դարձել այժմ՝ ոչ ոք չգիտեր: Ի դեպ, գնալով հո չե՞նք ջահելանում...

Մի խոսքով, ցավում էին, որ ժամանակին ուշադիր չէին գտնվել: Որովհետեւ, աշխատակիցների տեսակետի համաձայն, Ինֆանտեի հարաբերությունները կնոջ հետ լավ չէին: Այս մասին կարելի էր դատել թեկուզեւ ըստ նրա, թե ինչպես էր հեռախոսում կնոջ հետ: Նախելառաջ՝ նրա հետ «դուք»-ով էր խոսում եւ անվանում էր Նատալյա Վլադիմիրովնա: Երկրորդ՝ նրա պատասխանները կցկտուր էին ու կոպիտ. «Է՛լ ին կա: Ոչ, ոչ, ոչ: Զբաղված եմ: Այո: Այո»: Երրորդ՝ վատ էին:

Կուզենային ավելին իմանալ, սակայն Ինֆանտեը բնույթով բավական մռայլ ու մենակ մարդ էր եւ որեւէ մեկի հետ չէր անկեղծանում: Ժամանակին ի՞նչ էր անցել նրանց միջեւ, որ հանգեցրել էր ահա այսպիսի հետեւանքների՝ մնում էր գուշակել միայն:

Բայց օրերից մի օր այդ գուշակությունները եւս միանգամայն անկարելի դարձան:

Մի անգամ Ինֆանտեի օվկիանոսային սեղանին հնչեց հեռախոսագանգը, եւ Ինֆանտեը ծանրումեժ վերցնելով լսափողը, հանկարծ բացարձակապես փոխվեց ու ասաց. «Հա, Նատա... Ինչպե՛ս ես քեզ գգում... Հիմա կգամ...», — ու տեղնուտեղը հավաքվեց, եւ, ոչ մեկի ոչինչ չասելով, աճապարեց դուրս: Նրա սենյակում նստած այցելուները սաստիկ անհանգստացան: Լուրն ակնթարթորեն տարածվեց ԳՀ-ում: Եվ այն ժամանակ բոլորն անխտիր, մտաբերեցին, որ Ինֆանտեը վերջերս փոխված էր: Արդեն մի ամիս կլինի, չէ՛ երկու, չէ՛ մեկուկես, լավ հիշում եմ, երբ մենք խմբով թատրոն էինք գնում... Այսինքն պարզապես զարմացել էին, թե ինչպես միանգամից գլխի չէին ընկել: Չէ՞ որ վերջին ամսվա ընթացքում նա այնքան հաճախ էր տեղից պոկվում ու անհետանում աշխատանքային օրվա կեսին: Մյուսներն ասում էին, թե Ինֆանտեը միշտ էլ ծածկամիտ

է եղել, եւ տարօրինակ բան չկա: Երրորդներն էլ՝ թե խղճում են նրան՝ այդպիսի վիշտ... Թեպետ ի՞նչ վիշտ՝ դեռեւս չգիտեին էլ:

Այսպիսին էր պատկերը կողքից:

Իսկ դժբախտությունն այն էր, որ Ինֆանտելի կինը կրծքի քաղցկեղ ուներ: Դա հայտնի դարձավ դեռեւս կես տարի առաջ: Ինֆանտելը հասկանում էր, որ դա ոչ միայն ցավոտ ու վտանգավոր, այլեւ կանանց համար մեկ ուրիշ, առավել ծանր մի բան է: Նա խղճում էր կնոջը, եւ երբ վերջինս վիրահատությունից հետո տուն վերադարձավ, ջանաց այնպես անել, որ նա, որքան հնարավոր է, շուտ մոռանա կրածը: Նա յուրովի էր հասկանում դա. ջանում էր կնոջը թույլ չտալ որ սա թթվի ու սեւեռվի հիվանդության վրա, եւ այդ պատճառով իրեն այնպես էր պահում, ասես ոչինչ չէր պատահել:

Կինն առաջվա պես պետք է տնտեսությամբ զբաղվեր: Եվ եթե նա տեսնում էր, որ կինը նստած է անջատված, թեւաթափ, նայում ու չի տեսնում, ապա տեղնուտեղը որեւէ բան էր բստրում նրան զբաղեցնելու կամ շեղելու համար: «Կոճակս կարեք», — ասում էր նա օրինակ: Բայց, իհարկե, այս պարագայում էական դեր էր խաղում նաեւ բազմամյա կարգուկանոնը պահպանելու ցանկությունը: Ի դեպ, ամեն ինչ չէ, որ նախկինի պես նույնությամբ հաջողվում էր:

Օրինակ՝ Ինֆանտելը կնոջից թաքցրել էր, որ աղջիկը հեռացել է բուհ-ից: Նա գիտեր, թե որքան կարելու էր դա կնոջ համար: Առաջ նա երբեք որեւէ բան չէր թաքցնի միայն այն նկատառումով, թե դա կարող է ցավ պատճառել կնոջը, թե անհրաժեշտ է խնայել նրան, բայց այժմ թաքցրեց: Եվ ոչ միայն իր շահելության, այլեւ հենց այդ պատճառով աղջիկը չէր հասկանում ընտանեկան վիշտը: Բայց Ինֆանտելին հատկապես շվարեցնում էր այն, որ ամեն ինչ միանգամից եղավ՝ թե՛ կինը, թե՛ աղջիկը:

Իսկ հետո կինն այնքան վատ էր, որ սույն՝ «ամեն ինչ՝ առաջվա պես եւ թույլ չտալ, որ անձկության մեջ ընկնի» մեթոդը դադարեց գործել, եւ կինը դարձյալ հիվանդանոց ընկավ:

Այնտեղ այլեւս ոչինչ չձեռնարկեցին: Եվ շուտով Ինֆանտելն աղջկա հետ գնաց Նատալյա Վլադիմիրովնային տուն բերելու: Նատալյա Վլադիմիրովնան ոչ մի կերպ չհամաձայնվեց մենքենա նստել. դրա հոտից նա շնչահեղձ էր լինում: Կարճ ասած՝ թոքերի վարատում: Եվ նրանք ոտքով եկան: Ճանապարհը եկար էր եւ նրանք՝ աղջիկն ու ինքը, կնոջ թեւատակերից բռնած բերեցին մինչեւ տուն: Պարզկա օր էր, սառնամանիք, եւ պարզ, մոխրագույն երկնքից թափվում էին նոսր, հատուկեմտ փաթիլներով թեթեւ ձյունը:

Հետո... Նատաշա, Նատա, դու... նա արդեն վեր չէր կենում անկողնուց: Աղջիկն ամեն առավոտ ինչ-որ տեղ էր գնում. ինստիտուտ՝ մայրիկի համար: Իսկ Ինֆանտելը, Ինֆանտելը... նա՝ ցածրահասակ, նիհար, սղալած, մոխրագույն, գրեթե ճերմակած մազերով ու պայծառ դատարկ աչքերով. Նատաշա, Նատ... դու..., — լսում էին, թե ինչպես է նա խոսում հեռախոսով ու պոկվում տեղից՝ հիմա՛, հիմա՛: Իհարկե, արդեն ոչ մի կերպ չէր կարելի, չէր հաջողվելու այնպես անել, որ կինը չզգա, որ հիվանդ է, չքմեղանալ՝ իբր ամեն ինչ առաջվանն է: Նատաշա՛, Նա՛տ, դո՛ւ...

Նրան թաղեցին քաղաքի ամենալավ գերեզմանատանը: Այն վաղուց արդեն ասես թանգարան լինի, եւ թաղումներ այնտեղ բացառիկ դեպքերում են կատարվում: Ինֆանտելի կապերը բավեցին գործը գլուխ բերել: Այս գերեզմանատունը լճի վերելում է՝ սոճու ծառերի մեջ կորած բլրաշատ բարձր ափին: Ու արանքում՝ շիրիմներ, շիրիմներ... Իսկ բլրի գագաթին՝ հին տաճարն է: Սա հիանալի գերեզմանոց է. բնավ էլ ճնշող

տպավորություն չի թողնում, նույնիսկ ինչ-որ կենդանի, թե՛ պայծառ, տրտում, գուցե անգամ ուրախ ազդեցություն է թողնում այցելուի վրա: Եվ որ կարելու է՝ գերեզմանները թեպետ շատ մոտ են, սակայն չեն փակում տեսադաշտը, չեն խցանում, այլ իջնում են գառիթափն ի վար: Եվ ամբողջ տեսարանը՝ դարատափը, սոճիները, լիճը եւ դրան հանդիպակաց անտառոտ հեռավոր ափն ու աջ կողմի անկարգելային կայմը նույնիսկ ավելի շուտ են աչքի զարնում, քան տապանաքարերը: Իսկ եթե երկինքը մաքուր է, եւ արեւ է, եւ սոճիները աղմկում են, եւ ջրում արտացոլվում են ամպի քուլաները՝ ուրեմն՝ մահ չկա էստեղ: Եվ արելը մայր է մտնում այն հեռավոր ափից անդին, եւ նրա արդեն հորիզոնական շողերը լուսավորում են դարատափը, բոլոր տապանաքարերը, ողջ գերեզմանատունը մինչեւ վերջալույս:

Այս տեղը մի տեսակ լուսավոր է ու լայնարձակ...

Երբ նրան թաղում էին, որոշակի մի եղանակ էր՝ չէր հիշում ինչ տեսակ: Նա հիշում էր, որ եղանակն առանձնահատուկ էր, սակայն խնդո՞ւն էր, թե՛ տխուր՝ չէր հիշում:

Առհասարակ այդ օրը նրա հիշողության մեջ նմանվում էր կետագծի կամ կրակահերթի. նրանում երեք գծիկ, երեք պատկեր, երեք գնդակ կար, մնացյալը չէր հիշում, կորսված ժապավենի երեք կադր... Բայց նույնիսկ այդ երեքը չէին տեղավորվում նրա գիտակցության մեջ, ծվատում էին, եւ ասես իր՝ Ինֆանտելի մասին էլ չէին, այլ մեկ ուրիշ, թվում է՝ իրեն շատ նման մեկի, սակայն, այնուամենայնիվ, ո՛չ իր մասին: Այդ պատկերներն Ինֆանտելին որոշակի տարակուսանքի էին մատնում: Դրանք ուղեղում ծագում էին անկախ իր կամքից, հանկարծակի, երեքն էլ միշտ միասին եւ միեւնույն հաշորդականությամբ...

Ասելը հեշտ է... Նա իրեն կորսված էր զգում... «Տատիկն ո՞ւր է: Տատիկն ո՞ւր է»՝ խոսեցին հանկարծ: Ինֆանտելին թվաց, թե բոլորն իր կողմն են շրջվել, նայում, հարցնում են հենց իրեն: «Լավ, ես հիմա...», — ասաց նա եւ ետ վազեց տապանաքարերի միջով ձգվող նեղիկ արահետով: Արահետը, որոց հենց նոր առաջ էր շարժվում իրենց թափորը, այժմ դատարկ էր:

Ինֆանտելը վազում էր վառ դեղին ավազով պատած այս շավղով եւ, յուրայիններից հեռանալուն զուգընթաց, նրան համակում էր տարօրինակ ու անասելի մի հուզմունք: Նա՝ ասես մեծերի պատվերով վազող տղեկ, սլանում էր՝ շնչակտուր լինելով պատասխանատվությունից ու վստահությունից (մոռացված մի զգացում), եւ միաժամանակ, հարկա՛վ, փախչում օտարոտի, իր հետ կապ չունեցող մի բան էր կատարվում, անհասկանալի էր՝ ինչու է ինքը մասնակցում, պարտավո՞ր է մասնակցել երկար արկղը տանող թափորի այս տարօրինակ գնացքին. արկղ, որի մեջ... չէ, իհարկե չէ, հայտնի չէ՝ ինչ է:

Ինֆանտելը վազում էր:

Մեկ էլ հանկարծ ասես գայթեղ ու քարացավ անկայուն հավասարակշռության դիրքում՝ առաջ հակված, ինչպես որ վազում էր, այդպես ցած չընկնելով: Թափորը նրա վրա էր գալիս: Ինֆանտելը փութով ընկրկեց՝ կանգնելով առվակի մեջ՝ հերվա խաշամի վրա, որսաց ինչ-որ մեկի դատապարտող, կշտամբայից հայացքն ու աչքերը գետնին հառեց: Ինքն ուրեմն, ոչ մի տեղ էլ չէր փախել, այլ շրջան էր արել ու նորից եկել նույն իր թափորի մեջ: Հայացքն զգուշորեն բարձրացնելով՝ նա իր դիմաց տեսավ քահանային. սա քայլում էր բոլորի առջեւից՝ ունայնության եւ, միեւնույն ժամանակ ծուլության արտահայտությունը լայն դեմքին, թեթեւակի թափահարելով բուրվառը, քայլում էր մի տեսակ ընկճված, շատ

ավելի դանդաղ, քան կուզենար, ասես վախենալով, առաջ ընկնել կափարիչից, որ բերում էին իր ետքից եւ դագաղից, որ տանում էին կափարիչի ետեւից:

Այստեղ Ինֆանտելը կարողացավ ինքն իրեն մրմնջալ «դագաղ» բառը, որովհետեւ թեթեւացած հասկացավ, որ սա մեկ ուրիշ թափոր է՝ ո՛չ իրենցը, որ ուղեղը պարզապես մթանգնել է. հիմարություն էր անգամ այդպես մտածելը: Իհարկե, սա իրենց թափորը, իրենցը չէ՛ր, իրենցը չէր կարող քահանա ունենալ... Այդ պահին ինչ-ինչ ծվեններ միացան ուղեղում, նա մեկեն հասկացավ ամեն ինչ ու տեղում անհամբեր ոտընդփոխ տալովէ դնդնաց, եւ հենց որ թափորն անցավ, նրա առջեւ բացվեց լուսավոր, մեջտեղում հողաթումբ ունեցող այս հարթակը, որ եզրափակվում էր հենց այն եկեղեցիով, որի կապույտ գմբեթը տեսանելի էր ամեն կողմից: Եվ եկեղեցու դռները բաց էին: Ինֆանտելը վազքով կտրեց-անցավ այդ տարածությունը եւ երկու ուսույնով հաղթահարեց աստիճանները: Նրա արձակ վերարկուի փեշերը դեռուղեն էին ծածանվում: Վերել վազելով՝ նա թափով կանգ առավ՝ լույսից հետո ոչինչ չնշմարելով եկեղեցու մութ խորքում: Վերարկուի փեշերը վար իջան, եւ, ասես ծալելով թելերը, նա կամացուկ ներս սահեց: Թերեւս կյանքում ոչ մի անգամ չէր եղել եկեղեցում, ինքն իր մասին ասաց. «Չեմ եղել ներսում»: Բնագործն բարձրացրեց գլուխն ու վեր նայեց. վերից ներս էր հորֆում փոշոտ լույսը. ուրիշ բան չտարբերեց: Մթափվելով՝ կախեց գլուխն ու ձեռքերը հանեց վերարկուի գրպաններից:

Հանելով, սակայն, նա արդեն չէր իմանում՝ ուր խցկի դրանք: Նշմարեց մուկ կերպարանքներ, ուրավագծեր. սրանք խմբվել էին մի կենտրոնի շուրջ, եւ այդ դարձյալ դագաղ էր: Լույսի նեղ պուներ երկու կես էր անում ողջ այդ ստվերոտ ծավալը: «Թրի պես...», — ասաց իրեն Ինֆանտելը: Նա առաջվա պես չգիտեր՝ ուր խցկի ձեռքերը՝ մեկ փորին, մեկ մեջքին դնելով, մեկ էլ ծածուկ սրբելով դրանք թաշկինակով: Մարդիկ խռնվել, նույնիսկ ասես քուլան-քուլա կիտվել էին այդ նեղ ճառագայթի մեջ, քուլա-քուլա վեր էին բարձրանում, ինպես փոշոտ լույսը: «Նրանց վիշտն ընդհանուր է...», արգելակվելով մտածես Ինֆանտելը:

Չարմանքով նկատեց, որ բոլոր մարդիկ իրենց ավելի ազատ են զգում, քան ինքը: «Նրանք, ախր, հավատում են, իսկ ես՝ չէ...», — զարմանքով ինքն իրեն ասաց Ինֆանտելը՝ ուշադրություն դարձնելով սարսուռի եւ լռության բացակայության վրա, որ սպասում էր տեսնել այստեղ: Հակառակը՝ այստեղ զվվոց ու ցրվածություն էր տիրում: Նույն վշտով համակված այս մարդիկ, ինչպես թվաց իրեն, չափազանց ազատ էին պահում իրենց: Միայն մեկը՝ դեմքը ծածկած մի տիկին, չափից շատ էր կսկծում, գրեթե կաղկանձում էր: Մեկն էլ բարձր խնչում էր, երկու հոգի աշխույժ գրուցում էին, ծանրամարմին մի պառավ ծունկի էր իջել եւ երկար հարմարվում էր տեղում՝ խշխշացնելով ու շուռումուռ գալով: Ինչ-որ անհեթեթություն հանկարծ պարզ դարձավ Ինֆանտելին. նա, ի դեպ, վերջին օրերին այդ ամենի ականատեսն էր, բայց նոր միայն հասկացավ: Դա, թերեւս, անհեթեթություն էլ չէր, այլ խորտակումը սիսալ մի պատկերացման, որը չգիտես ինչու, ապրում էր Ինֆանտելի մեջ՝ թե վիշտը մարդիկ կրում են հույժ միասնաբար, միատեսակ, միաձույլ, որ խորունք վիշտը մեկ մի արտահայտություն ունի:

Եվ ահա, այժմ, դիտելով դագաղի շուրջ սպասող այս խուռներամ բժժանքը (ընդ որում, Ինֆանտելը պատկերացում իսկ չուներ, թե ինչի՞ էին սպասում), դիտելով այս ցացառ երամը եւ մինչեւ իսկ հրեշավոր թվացող անհամբերությունը, իր՝ անհավատի մեջ նշմարելով նույնիսկ առավել երկյուղածություն ու անձկագին հուզմունք, քան նկատելի էր հավատացյալների դեմքերին, չիմանալով՝ ուր խցկի ձեռքերը, Ինֆանտելն իսպառ

մոռացավ ամեն բան ու զարմացած շուրջն էր նայում, երբ հանկարծ տեսավ տատիկին: Նա, չտարբերվելով մյուս պառավներից, կանգնած էր հենց դագաղի կողքին՝ սեւավոր, չորուկ գլուխը լռիկ մի կողմ թեքած, թաշկինակի կնձիկը համաչափ կերպով միշտ միեւնույն ասքին մոտեցնելով եւ շուրթերը դանդաղ շարժելով: Ինֆանտեն արագ մի քայլ արեց, վերարկուի փեշերը դարձյալ ծածանվեցին, ասես թելերն էր թափահարում:

Նա շրջանցում էր այս մուգ, իր համար հանկարծ կանգ առած կերպարանքները՝ մոտենալով տատիկին: «Այ քեզ բա՛ն, — կրկնում էր նա ինքնիրեն համր տարակուսանքով, — ուրիշի դագաղի մոտ ենք... Տե՛ր Աստված...», — ասում էր նա, իսկ պառավը, միեւնույն է, չէր շարժվում տեղից: «Դե գնանք... — ասում էր նա՝ կյանքում առաջին անգամ գոքանչին մամ, այլ ոչ թե մայրիկ, հենց մամ կոչելով: — Մեզ սպասում են»: Տատիկը, վերջապես ճանաչելով նրան, շմորելով թելքի մեջ էր թաքցնում թաշկինակի եւ կողքանց, հայացքը կախ հեռանում էր դագաղից, երբ հանկարծ ասես ընդհանուր մի հառաչանք պոկվեց բոլորի շուրթերից, ու ամենքը սսկվեցին. առաջ եկավ փարաջայով մեկը: «Տերտերը... քահանան...», — Ինֆանտենը չգիտեր՝ ինչպես կոչի նրան: Բարեհունչ ցածր ձայնը լույսի նեղ սյան միջով կերկերաց ներքեւից վեր: Եվ այստեղ գտնվող մարդիկ հանկարծ ապշեցրին Ինֆանտեին: Չքացավ խառնակ իրարանցումն ու մեկեն ծնվեց հենց այն ընդհանուրությունը, որ այնքան միամտորեն, ուր որ է սպասում էր տեսնել Ինֆանտենը ընդհանուր վշտով համակված մարդկանց մեջ: Նրանց հանկարծ քարացան՝ միաշար, նպատակաձիգ ու միասնական: Բայց դրանում արդեն վիշտ չկար, եւ դա է՛լ ավելի ապշեցրեց Ինֆանտեին:

Այս հետեւում էր երկրորդ պատկերը: Նա կանգնած էր եզրին. առաջինն ինքը պետք է մի բուռ հող լցներ: Բոլորն ասես ընկրկեցին, չքացան, չկային: Նա կանգնած էր եզրին, եւ առջեւում ոչինչ չկար: Միայն շուրջբոլորը հանկարծ ողողվեց համաչափ լույսով, արեւ ծագեց: Իսկ Ինֆանտենը տակավին անշարժ կանգնած էր եզրին եւ ասես երաժշտություն էր լսում: Այն նրա վրա իջավ լույսի հետ միասին՝ ծորուն ու հանդարտ, միալար, ասես անվերջ կրկնվելով: Վերից հանկարծ թեթեւ ձյուն մաղեց, մարդիկ ետ քաշվեցին ու կարծես դեսուդեն թռան: Միայն արեւի հետ տեղացող այս ձյունն էր, եւ ծորուն մեղեդու ձայնը, եւ նրանից, ինչպես պայթյունի կենտրոնից մի տեսակ անսահմանորեն խույս տալը, մնացած բոլոր մարդկանց նրանից հեռանալը, փախուստը դեպի հեռավոր, ավելի ու ավելի հեռապաց, խելահեղ ու համասփյուռ անսահմանություն՝ ասես փչել են խատուտիկի վրա, ու այն ցրիվ է եկել չորս դի: Եվ ահա նա դեռեւս գամված է եզրին՝ առջեւում անէություն, կաթնագույն ամայություն եւ հայտնի չէ ուրկից թափվող արեւախառն ձյուն, թիկունքին՝ շրջվող դեմքերի տարօրինակ փախուստն անէություն... ու հանկարծ խոնավ հնչյունով հողակոշտն ընկավ կափարիչի վրա: Լույս, լույս, լույս...

Հետո արդեն երրորդը... Երբ Ինֆանտենն ինչ-որ մեկի դրդումով ու քաջալերանքով պետք է ետ դառնար, ամենայն հավանականությամբ՝ տուն... Նատալյա Վլադիմիրովնան արդեն չկար: Ինֆանտենը կանգնել էր բլրի ստորոտին՝ գրեթե ջրի ափին: Դեղին ավազի շերտը եւ լիճը: Ոչ մի շիրիմ առջեւում եւ լոկ նրա մուգ հողաթումբը: Եվ ահա, երբ նա շրջվեց գամիթափով ետ դառնալու (նրան շրջեցին)՝ հանկարծ տեսավ հարեւան գերեզմանն ու զարմացավ: Դադեց ու բուրջ գննեց այն:

Սա շրջափակված էր տանիքապատ ցանցով ոչ այն է տնակի, ոչ այն է ծածկապատշգամբի պես: Տնակում գեղեցիկ տապանաքար կար, վերեւում՝ հուշարձան: Հուշարձանի մեջ գետեղված էր հանելի ու խելացի դեմքով երիտասարդ բեղավոր տղամարդու մի դիմանկար: Սակայն, դատելով տապանաքարից, նա մահացել էր 52

տարեկան հասակում, այնպես որ այդքան լավ տեսք չպետք է ունենար: Դա, ըստ երեւույթին, ավելի վաղ արված լուսանկար էր: Տապանաքարի կողքին կոկիկ նստարան կար, ամեն բան կատարելապես կոկիկ տեսք ուներ: Իսկ տապանաքարի վրա, եւ դա ամենագարմանային էր, կենդանի ճնճողուկը կոնֆետ էր կտցում:

Թաղումից հետո Ինֆանտերը երկար ժամանակ ուժ չունէր այցելելու կնոջ գերեզմանին: Միայն զարնանը, երն արդեն ձյունը հալվել, եւ զարմանայի մի օր էր, նա գնաց: Հուշաքարի մասին տեղեկանալու:

Մինչ գնում էր, իսկ գնում էր երկար՝ տրամվայով եւ արդեն դուրս էր եկել քաղաքի շրջագծից եւ շուտով իջնելու էր, դեղին ամպեր կուտակվեցին եւ մթնեղ: Ինֆանտերը դա նկատեց մեկէն. արեւ էր՝ մթնեց: Նա զարմացավ, որ առաջ չէր նկատել դա եւ միայն զարմանալով հասկացավ, որ ողջ երկարուձիգ ճանապարհի ընթացքում ասես խորասուզված է եղել ինչ-որ տեղ: Այսինքն՝ այժմ նա չէր կարողանում հիշել ոչ այն, թե ինչպես է եկել, ոչ ինչ է տեսել, ոչ էլ՝ ովքեր էին բարձրանում կանգառներում: Եվ այդ պահին նա հասկացավ, որ ոչ մի այնպիսի բան, ինչի մասին կարելի լինէր այդպես մտահոգվել ու խորասուզվել (ինչի՞ մեջ, որտե՞ղ) նա չէր մտածել: Այս, իսկապես, ընդհանուրի կողմից ընդունված իմաստով չէր մտածում: Բայց չէ՞ որ ամբողջովին կլանված էր: Եվ այդժամ հիշեց՝ ինչով: Եվ տեղնուտեղն էլ կարկամեց, անգամ շառագունեց եւ աջուձախ շուռ եկավ՝ ասես կարող էին թիկունքից ինչ-որ բան նկատել: Բայց ուղեւորները ոչինչ չէին կասկածում: Եղած-չեղածը երեք հոգի էին: Եվ վագոնավարը ննջում էր: Ի վերջո հիմարություն էր չորսրորդը գննելը: Նա հանկարծ հասկացավ, որ իր ճակատին ոչինչ էլ գրված չէ:

Եվ եթե չլինէր այս հանկարծական մթագնումը, միտք արեց Ինֆանտերը, եւ ոչ մի նման բան էլ չէի նկատի, այլ պարզապես կիջնեի եւ կմոռանայի ամենը, ինչ տեղի էր ունենում ուղեղից մեջ այս ճանապարհի ընթացքում: Ա՛յ քեզ բան... Անհեթեթ է:

...Ի՞նչ երկար էր ճանապարհը... եւ Նատան, — հանկարծ նա բարձրանում է տրամվայ, իսկ լուսամուտից այն կողմ՝ տրամվայի գույգ պատերից դենը, երկինքն է (տրամվայը սողում է բլուրն ի վեր) եւ սոճիներ են. սրանք խշշում են, իսկ նա ներս է մտնում՝ բարախկ, անխելի: Ներս է մտնում ու... հանկարծ մի տեսակ սարսուռ զգաց, սարսափեց: Չէ, նա կենդանի է: Բայց հատկապես այն պատճառով, որ արեւ է, եւ երկինքն է, եւ սոճիներն են, եւ տրամվայը սողում է սարն ի վեր, նա՛ Ինֆանտերը, ճյուղ է, բայց, տարօրինակ բան, լուռ է: Իսկ Նատան մատը շուրթերին մոտեցրել ու նրան է նայում եւ դեպի նա գալիս: Այնպես անխելի: Սակայն ուղեւորներից եւ ոչ մեկը ուշադրություն չի դարձնում նրա վար. մեկը դուրս է նայում լուսամուտից, սա էլ՝ ննջում է: Իսկ Նատան մոտ է գալիս ու ասում. «Դեհ, ինչպե՞ս ես»: Իսկ ինքն ուզում է ասել, որ վատ է, ամեն ինչ վատ է, լավ չէ... «Ոչինչ, — ասում է նա, — առանց քեզ տխուր է, կարոտում ենք»: «Դա լավ է, ասում է Նատան, լավ է»: Բայց Ինֆանտերը տարօրինակ կերպով զգում է, որ ամեն ինչ նորմալ է, բնական եւ, միեւնոյն ժամանակ, անկարելի է, որ այսպես լինի, անհնար է, որ «այնտեղ» գոյություն ունենա: Եվ որքան պարզ ու անհրաժեշտ է՝ «այնտեղ»... «Դեհ, ո՞նց է էնտեղ», — հարցնում է նա չգիտես ինչու երկչոտ ու շշուկով: «Ի՞նչ կա էնտեղ», — հարցնում է նա անսովոր հետաքրքրասիրությամբ՝ ահով, երկյուղածությամբ, մի առանձին պատկառանքով դիմելով այն մարդուն, ով հաստատապես գիտի այդ, եւ հիմա Ինֆանտերն ինքն էլ ի վերջո կիմանա ճշմարտությունը: «Ի՞նչ կա էնտեղ», — հարցնում է Ինֆանտերը: «Ահա», — ասում է Նատան եւ մատնացույց անում լուսամուտը:

Ինֆանտերը դուրս է նայում. այնտեղ կապույտ-կապույտ երկինք է (տրամվայը սողում է սարն ի վեր): «Հա», — հառաչում է Ինֆանտերը: Շրջվում է՝ Նատան չկա:

Դե ինչ, եթե հիմա մթնշաղ է, եւ այդ պատճառով էլ ինքը նկատեց-զգաց այս ամենը, ուրեմն նախկինում էլ է եղել... Ահա նստած է նա տանը եւ միտք է անում. այն, որ Նատան մահացավ, այնքան անհեթեթ է, որ չի էլ կարող լինել: Առավել եւս՝ թաղումը, գերեզմանատունը. այդ ամենը հեռացել է (որովհետեւ անբնական է, որ տներ-մնար), հեռացել է, եւ այդ պատճառով պարզապես չգիտես ինչու այսքան երկար ժամանակ չկա Նատան: Նստած է Ինֆանտերը սեղանի մոտ եւ չի շրջվում, քանի որ հանկարծ առկայծում է ուղեղում, թե ինչու, ասենք, ներս չմտնի Նատան, հեշտ ու հասարակ՝ ներս մտնի ու նստի կողքին. ինքը չի էլ զարմանա: Եվ հանկարծ՝ զանգ: Ինֆանտերը գույնը զցեց, մոտեցավ դռանը, բացեց՝ մարդ չկա: Երագում էլ է եղել, այն էլ՝ ոչ մեկ անգամ: Ոչ այնքան հաճախ, բայց ոչ մեկ անգամ:

Նատան տուն է մտնում, եւ նրան տեսնում է միայն ինքը: Աղջիկը չի տեսնում, հարեւաններն էլ չեն տեսնում: Ու իրենք գրուզում են տան մասին, եւ մի անսովոր հանգստություն ու իմաստություն է համակում իրեն: Նատան անցուդարձ է անում սենյակներով, խոսում է, բայց միայն Ինֆանտեն է տեսնում դա, ոչ մնացյալները: Եվ Նատան ու ինքը պայման են կնքել. նա խնդրել է՝ ինքը կգա, բայց Ինֆանտեն այդ մասին չպետք է ասի ոչ մեկի, ոչ մեկի...

Ինչ անհեթեթություն. գալիս՝ արեւ էր, տեղ հասավ՝ ամպ ու զամպ: Գերեզմանոցը մթնեց, եւ այստեղ ահա նա հասկացավ, թե որքան զարմանալի գերեզմանոց է սա. այն, միեւնույն է, մեռյալ չէ: Պարզապես մթնշաղ է, եւ սոճիներն են աղմուկ: Նա իջավ թեք ափին, հողաթմբերի արանքով ձգվող նեղիկ արահետի վրա եւ ահա՝ լճափին է: Մի տեսակ շատ հանդարտ ու մթամած էր լինը: Որքան էլ հարթ, այն, անգամ անհասականալի է, թե ինչու ճողփյունով զարնվում էր առափնյա հարթ ծանծաղուտին: Ինֆանտերը զարմացավ, թե որքան հանգիստ է ինքը նայում գերեզմանին: Իհարկե, ինքը հիմա արգելակված է, եւ աչքերը շարունակ սառում են մի կետի վրա: Գուցե այդպես է նաեւ այն պատճառով, որ չի գիտակցում, որ Նատան այս քարի տակ է: Չէ՞ որ դա՝ այդ գիտակցումն էւս անբնական է: Իրականում սա պարզապես տեղն է, պարզապես հիշողությունն է, պարզապես պատկանելությունը, եւ միայն այդ պատճառով կարելի է գալ գերեզմանոց: Ինֆանտերը նկատեց, որ հարեւան տնակ-գերեզմանի մոտ, արն այնպես երեւացող է, կանգնած է ինչ-որ մեկը՝ մի կին:

Այդպես Ինֆանտերը կանգնել էր ավելի շուտ լճի, քան գերեզմանի մոտ՝ անշարժ, հոգին խաղաղ, թեթեւ, միտքը՝ թափուր, երբ հանկարծ որոտը թնդաց հենց լճի ու ջրի վրա, եւ առաջին կլորիկ ու հատուկենտ կաթիլները գորշ գնդիկներով շրմփացին ավազի վրա: Բոլորովին մեքենայաբար Ինֆանտերը նայեց երկնքին: Շարժումը պարզ ու անհեթեթ էր, որովհետեւ ուրիշ էլ ուրկի՛ց, եթե ոչ երկնքից: Մինչ վերել էր նայում, կաթիլների կտկտոցը հաճախացավ, եւ նա լսեց, թե ինչպես իրեն ձայն տվին: Նա ցնցվեց ու նայեց հարեւան գերեզմանին: Կինքը կանգնած էր դեմքով դեպի նա, ձեռքով կանչում էր ու ասում. «Եկեք, էստեղ եկեք: Ախր կթրջվեք»: Եվ հենց որ նա մտավ այդ ցանցապատ տնակը, անձրերը հեղեղի պես վրա տվեց: Ինֆանտերը շնորհակալություն հայտնեց ու շուրջը նայեց: Ցանցապատերից մեկին հեծանիվ էր հենված, եւ անձրեւի խոշոր կաթիլները զարկում էին դրա թափքին: Ինֆանտեն ապշեց. լայն, ցածր տապանաքարին շրջանով կոնֆետներ էին շարված: «Արջը հյուսիսում»:

Ինֆանտերը խեթ նայեց կնոջը: Սրա տեսքը, սակայն, լիովին նորմալ էր. նա շատ հանգիստ, անգամ երանավետ դեմք ուներ եւ հասակակից էր Ինֆանտեին: Ինֆանտերը նայեց ու փախցրեց հայացքը: «Այսօր մեզ համար տոն է», — ասաց կինը: Ինֆանտերը կարկամեց: Բոլորվին մթնել էր, երկինքը որոտում էր, եւ կայծակի շեղբերը, թվում է, ծեծում — շանթում էին լճի սեւ կուրծքը: Ողջ այս ցանցկեն տնակը բոլորված էր անձրեւով, եւ շիթերը, ցանցից ներս թռչելով, չոր էին թողնում միայն կենտրոնի փոքրիկ հարթակը: Այն ամենը, ինչ կատարվում էր դրսում, ահարկում էր ու զվարճալի: Վրադիր էլ սա՛ կոնֆետներով այս տարօրինակ կինը: Թե՛ ցնդած է...

«Ի՞նչ տոն», — հարցրեց նա համենայնդեպս: «Միշայի ծննդյան օրն է», — ասաց կինը, մատնացույց արեց բեղավոր մարդու դիմանկարը եւ, նայելով Ինֆանտեին, արագ-արագ վրա տվեց, ասես վազում էր. «Նա բւեռախույզ էր, տեսե՛ք՝ «Արջը հյուսիսում», ես նրա տապանաքարին մեծ արջ էի կանգնեցրել, միայն թե գողացան, այ՛ հրես հետքերը. ես էլ պարսպապատեցի, որ կողավի, արջն էնպես սիրում էր, սպիտակ...»:

Երկինքը պատռվեց հենց լճի վերելում: Նրանում ձագարանման անցք գոյացավ, եւ այնտեղից դուրս պրծավ արեւը: Բայց ամպերն առաջվա պես պատել էին երկինքը, եւ անձրեւը մտրակում էր, ու ծանր խշշում էին սոճիները: Շուրջն անսպասելիորեն կերպարանափոխվեց: Անձրեւը փայլտում ու քրքրում էր ավազը, իսկ արեւը՝ հենց լուսարձակ, լուսավորում էր թաց սոճիները, եւ տապանաքարերը պսպղում էին, ու ավեժածան ցուցողում էր լիճը: Որոտը թնդում էր այլեւս ինչ-որ հեռվում: Ինֆանտերը նույնիսկ ասաց.

— Հոյակապ է:

— Հա՛, — ասաց կինը, — ես ու Միշան շատ ենք սիրում էս տեղը:

«Հատկապես՝ Միշան...», — մտածեց Ինֆանտեն ու մեկ էլ սաստիկ կարմրեց:

— Ա՛խ, ես ձեզ չբացատրեցի, — առաջվա չիտսեց՝ վազ տվեց կինը: — Միշան պատմում էր, էն ժամանակ դեռ նոր էինք ծանոթացել, թե թանձր մառախուղի մեջ քիթ քթի սպիտակ արջի է հանդիպել. սողացել է, սողացել, հանկարծ զգացել՝ էս ինչ թաց ու տաքուկ բան է: Դու մի ասա՛ արջի քիթն է եղել, իսկ արջը ոչ մի վնաս չի տվել ու հեռացել է: Ահա ես էլ արջ էի կանգնացրել տապանաքարին՝ դիմանկարի դիմաց:

— Հա, — ասաց Ինֆանտերը, — ահա թե ինչ...

— Հյուրասիրվեք, — ասաց կինը, — վերցրեք, կոնֆետ վերցրեք:

— Չէ, ինչ եք ասում... — ասաց Ինֆանտերը:

Նրանք նստել էին տապանաքարի կողքի նստարանին: Ինֆանտերը ծամում էր կոնֆետը: Երկնքի ճեղքը մեծացավ, եւ ահա երկնքի կեսն արդեն ջինջ էր, եւ ամեն ինչ փայլում էր լվացված: Եվ Ինֆանտերը բոլորովին կորցրեց գլուխը: Որովհետեւ առաջ անձրեւ էր, եւ այն ժամանակ հասկանալի էր, թե ինչու է ինքն այս վանդակում գտնվում եւ ականջ դնում այս կնոջը, իսկ հիմա անձրեւ չկար, եւ՝ հասկանալի չէր: Եվ շատ բան անհասկանալի էր կնոջ պատմածի մեջ: Ամեն ինչից դատելով, նա գրեթե ամեն օր այստեղ է գալիս, ահա ուրեմն հեծանիվն էլ հատկապես դրա համար է գնել:

Մոտոռոլեր էր ուզում, վախեցավ՝ գողանան, էն էլ՝ գերեզմանատանը: Տես է՛, ուրեմն հասկանում է, որ ինչքան չիինի, գերեզմանատուն է: Այսպիսի հուշարձան է կանգնացրել, կոնֆետներ է բերում, բայց ասաց, որ իրենք տարիներով բաժան են ապրել: Ինֆանտերը

մի տեսակ չընկալեց, թե նա դա ինչպես ասաց: Թերեւս արշավախմբերում են եղել: Չէ, նա էդպես չասաց: Կինը դեռ վազ էր տալիս մանրիկ, միաձույլ բառերի վրայով, իսկ Ինֆանտեն անհարմարությունից կորցրել էր գլուխը: Էստեղ մի արողջ կյանք, պատմություն, իսկ ի՞նքն ինչ գործ ունի...

Եվ արդյոք սրա խելքը տե՛ղն է... ու անձրերը կտրվեց: Նա ծամում էր կոնֆետները եւ դրանից իրեն դարձյալ անհարմար էր զգում: Բայց չծամել եւ միայն լսել՝ հո՛ւ ավելի վատ էր... Կոնֆետները... ի՛նչ համեղ էին: Ու մեկ էլ մտածեց՝ քանի տարի չի կերել: Նա չկարողացավ հիշել, թե վերջին անգամ երբ է կերել: Միայն մանկության կոնֆետներն էր հիշում: Իսկ նա կուտեր՝ թեկուզ ամեն օր... Եվ այս կինը... Թեպետեւ անհարմար էր զգում եւ չէր հաջողում հետել նրա խոսքին, իր համար, չգիտես ինչու, խիստ կարեւոր էր լսել այս կցկտուր ու շփոթ խոսքը, եւ այն, ինչ նա ասում էր՝ շատ կարեւոր էր, անգամ՝ սրտամոտ: Հետեւողականության առումով նրա խոսքում ամեն ինչ անհասկանալի էր:

Բայց, միեւնոյն ժամանակ, ի վերջո ամենագլխավորը, ասածի բուն էությունը հասավ Ինֆանտեին: Եվ նա մտածեց, որ գուցե ողջ կյանքում շատ բան է լսել, որ հնարավոր էր, կարելի էր հասկանալ ու չի հասկացել: Որովհետեւ համարում էր, որ հասկանալը մտքի պարզ հետեւողականությունը, մեկը մյուսից բխելն է: Եվ հենց այս վազկան, անհետեւողական պատմությունն էր պետք հիմա իրեն, քանի որ մերժելով հետեւողականությունը՝ արտահայտում էր բուն էությունը: Ինֆանտեը նույնսիկ շուռումուռ եկավ նատարանին. չափազանց բարդ ու անարտահայտելի էր այն, ինչ նա այդ թոպեին մտածում ու հասկանում էր: Իսկ գուցե հենց հիմա չպետք է ձգտի ձեւակերպել ինչ է դա, եւ այնժամ ավելի ճիշտ կլինի...

Կինը նայեց Նատայա Վլադիմիրովնայի գերեզմանի կողմը...

— Ձեր կինը Ձե՛ր ազգանունն էր կրում, — հարցրեց նա մտածկոտ:

— Իմ... — վարանելով հաստատ Ինֆանտեը:

— Ուրեմն Ձեր հայրը քահանա՞ էր, — ուրախացավ կինը:

— Ինչո՞ւ, — տարակուսեց Ինֆանտեը:

— Հապա ինչպես... — կրկին փութով վրա տվեց կինն իր շորորուն խոսքով: — Դատեցեք ինքներդ... Դուք ռուս եք.. ռո՛ւս եք, չէ՞:

— Ռո՛ւս եմ, — փքվեց Ինֆանտեը:

— Իսկ ազգանվան արմատը, — վազ էր տալիս կինը՝ չլսելով նրան, — ավելի քան ֆրանսիական է... անգամ իսպանական: Ինֆանտ՝ արքայորդի, ժառանգորդ: Իսկ դու հաստատ ծագումով իսպանացի չէր...

— Դա որ հաստատ է, — ուրախացավ Ինֆանտեը գոնե որոշակի հասկանալի մի բանի վրա: Ես էստեղ եմ ծնվել: — Իսկ Ձեր հա՛յրը:

— Վոլգայի ափին... — ասաց Ինֆանտեը: — Աստրախանի մոտակայքում... Սպասես, — ուրախացավ նա, — նա, ախր, իրոք էլ կարծեմ մի կարճ ժամանակ սովորել է ճեմարանում... Բայց հետո, հետո, — սթափվեց Ինֆանտեը, — բնավ էլ այդպես չէ: Նա փականագործ է, — զայրացավ Ինֆանտեը:

— Ահա տեսնո՛ւմ եք, տեսնո՛ւմ եք, — ցնծում էր կինը: — Ուրեմն Ձեր պապը քահան է եղել:

— Չի եղել, — վերջնականապես պոռթկաց Ինֆանտերը: Որտեղի՞ց իմացար:

— Հապա ինչպե՛ս, հապա ինչպե՛ս: Շատ հերաքիքը է... — բացականչում էր կինը: — Ռուսիայում հենց գավառական քահանաներն էին էդ տեսակ տարօրինակ ազգանուններ հնարում: Երբ հիմնական եկեղեցական ազգանունները՝ Պրեոբրոժենսկի, Վոսկրեսենսկի, Բոգոյավենսկի, իլիլեցին պրծան, սկսեցին ավելի խրթինները բստրել՝ մենակ թե գեղեցիկ, բարեհունչ լինեին. ես, օրինակ ընկերություն եմ անում Ֆենոմենով ազգանունով մի քահանայի հետ... ահա Դուք էլ Ինֆանտեւ եք:

— Հըմ, հա, — ոչինչ չասաց Ինֆանտերը: Հետո, այնուամենայնիվ, գտավ: — Ինչպես կրկեսում:

— Ճիշտ որ, ճիշտ որ: Դերասանների ազգանունները՝ նույնպես, — ուրախացավ կինը: — Ինչպես նուրբ դիտողություն: Կրկեսում հաճախ իտալականներ են, բայց կան նաև Ալմազովներ, Իզումրուդովներ... Շատ: Ես երբեք այդպես չեմ մտածել: Հետաքրքիր է: Մոնախով՝ այդպիսի արտիստական ազգանուն կա, բայց չէ՞ որ քահանաներից է սերում: Հավանորեն հայրը նույնպես հոգեւորական է եղել, որդին՝ դերասան: Պատկերացնո՞ւմ եք՝ դրամա, հակամարտություն:

— Հա, բայց իմ պապը տարտեր չի եղել: — Ինֆանտերը նմանվեց չիրկիզվող պահարանի:

— Եղել է: Հավատացնում եմ Ձեզ: Հենց Վոլգայի ափին՝ մի խուլ տեղ գյուղական քահան եղած կլինի: Եվ Ձեր ապուպապը, Ձեր ապուպայի պապն էլ... Ահա Ձեր հորն էլ ճանարանում են տեղավորել, թեպետեւ չի ավարտել, ինչպես ասում եք: Այլապես էդպիսի ազգանուն բնավ չէր կարող ունենալ: Թե՞ դուք պնդում եք, որ սերում եք ըմբիշներից:

— Այսինքն՝ ինչպե՛ս: Դե այո: Ի դեպ, ի՞նչ նկատի ունեք, — խճճվեց Ինֆանտերը:

— Կրկեսը, — ծիծաղեց կինը:

Ինֆանտերը բերանը կոնֆետ դրեց, ավելի ճիշտ՝ խցկեց:

Իսկ կինը շարունակում էր վազ տալ մանրիկ ու հոծ բառերի շարանով՝ պատմվելով, թե ինչպես էր սուրացել Միությունով մեկ՝ իմանալով ամուսնու մահվան բոթը, թե ինչպես մոտը փող չէր եղել, վրադիր՝ բնակարանն էին կողոպտել, եւ ինչպես փողերը լրիվ ծախավել էին հուշաքարի վրա, որ գավակ ունի՝ դպրոցական, եւ ինչ դժվար, դժվար է, եւ ինքան երջանի՛կ, երջանի՛կ է եւ վերջում՝ այնքան անհասկանալի ու միաժամանակ ամենահասկանալի մի բան, բայց դա արդեն անհնար էր որսալ-մտապահել, կարելի էր միայն զգալ, եւ գուցե իր զգացածի մասին հիշողությունն էր...

— Այո,— հառաչեց Ինֆանտերը: — Ահա թե ինչպես...

— Իսկ տղաս արդեն մեծ է... — ասաց նա:

Ինֆանտերը հանկարծ հասկացավ, թե որքան շատ տարիներ են անցել այն ժամանակից ի վեր, որքան վաղուց է եղել այն, ինչի մասին խոսում էր կինը, եւ որքան՝ այսօրեական, զարմանալիորեն հենց հիմա տեղի ունեցող մի բան էր կնոջ պատմածը:

Կինն ասես հասկացավ ինչի մասին մտածեց Ինֆանտերը:

— Ինձ թվում է՝ ես առնչվում եմ նրա հետ, — ասաց կինը: — Ոչ էլ թե՛ թվում է, հաստատ առնչվում եմ:

— Հա, — ասաց Ինֆանտերը, ու, միեւնեւն է, չհասկանալով նրան նայեց:

— Ես գիտեմ, Ձեր վիշտն ավելի մեծ է: Ձերը դեռ նոր է...

— Հա, — պարզապես ասաց Ինֆանտերը: — Էնքան դատարկ...

— Իսկ ես, եթե վատ եմ լինում, միշտ գալիս եմ խոսում եմ նրա հետ: Նա կլռի, ու ես կթեթեւանամ:

— Դուք երեւի հավատում եք Աստծուն, — շշուկով հարցրեց Ինֆանտերը եւ զգուշորեն նայեց երկնագույն գմբեթին:

Կինը նկատեց նրա հայացքը եւ անհասկանալի ժպտաց:

— Չէ, — ասաց նա: — Ես այնտեղ երբեք չեմ եղել: — Եվ նույնպես նայեց գմբեթին:

— Ես եղել եմ: — Ինֆանտերը հառաչեց: — Պատահաբար... Տարօրինակ կերպով... Ինչ արած, — քրթմնջաց նա արդեն բոլորովին անիմաստ: — Դուք, ուրեմն նրա հետ խոսո՞ւմ եք:

— Դուք մի զարմացեք, — ասաց կինը: — Ես ախր կրթված մարդ եմ: Ուրիշ էլ ի՞նչ դա, եթե ոչ առնչություն:

— Դե... այո, — ասաց Ինֆանտերը, — ես պարզապես այդպես դեռ չեմ մտածել:

— Մանավանդ, որ նա այնտեղ չէ, — ասաց կինը եւ մատնացույց արեց տապանաքարը:

— Ինչպե՞ս...

— Չէ՞ որ Ձեր կինն էլ այնտեղ չէ: Չէ՞ որ սա հուշարձան է, հիշողություն... Եվ տեղը գեղեցիկ է:

— Նա էլ այնտեղ չէ, — համաձայնեց Ինֆանտերը:

— Նրանք ողջ են, իհարկե, — ասաց կինը: — Այլապես մենք ինչպե՞ս կխոսեինք նրանց հետ:

— Ես ինչ-որ գլխի չեմ ընկել այդպես մտածել, — ապշած ծոր տվեց Ինֆանտերը:

— Նա նույնիսկ այցի է գալիս ինձ...

— Ձե՞զ էլ, — բացականչեց Ինֆանտերը:

Նա տուն էր դառնում՝ տրամվայը սողում էր սարն ի վեր: Երկինքը գունատվել ու մթնել էր, գառիթափին՝ սոճիներ, եւ սոճիների արանքից առկայծում էր կարմիր արեւը:

«Այո, ես այդպես չեմ մտածել, — կրկնում էր Ինֆանտերը: — Ես էլ մտածում էի՝ ի՞նչ բան է դա: Իսկ դա, պարզվում է, ահա՛ թե ինչ է»: